



A MONSIEUR

MONSIEUR

MELIAN;

CONSEILLER DV ROY,
en ses Conseils & en son Parle-
ment de Paris



MONSIEUR,

*Scachant que vous regardez mes œu-
res d'un œil assez favorable, cela
m'oblige de ne me laisser point de vous
faire voir le fruit de mes veilles, & que
mon dessein ne tend qu'à découvrir la ve-
rité pour le bien public: Mais je vous di-*

ray que Democrite parlant de cette Verité,
dit, qu'elle est continuellement plongée
dans le creux des abysmes, & des puits, &
que pour la voir il faut avoir les yeux
de l'entendement parfaitement éclairés.
Ces paroles, Veritas de terra orta est,
nous l'assurent, en nous faisant en-
tendre qu'estant sortie de la terre, elle
est sujette à l'envie, & sa fille Vertu at-
taquée de la malice : Car comme dit
Lucian, estant inconnüe de la Fortu-
ne elle est le plus souvent mal-trait-
tée & déchirée par elle, & la folle ignoran-
ce ne la voulant point voir, tâche autant
qu'elle peut, qu'elle ne soit connue aux
hommes. L'Envie, l'Ignorance & la Ma-
lice comme des foudres & des vents tem-
petueux, qui bartent plustost les sommets
des montagnes, & les choses les
plus eslevées, sont tousiours à escu-
mer leur rage contre les personnes ver-
tueuses : c'est ce qui fit dire à un certain
Poëte,

Tandis que nous vivons nous nourrissons l'envie,
Mais ce Monstre petit quand nous perdons la vie.
Cette maudite dont la gloire & la prospe-

rité d'autrui est son suplice & son bourreau, enfante dans les cœurs des envieux son mauvais Genie, pour blesser par leurs langues medisantes, ceux qui recherchent les Vertus, en ayant desja ressenty assez d'effets tres-rigoureux : Cependant, MONSIEUR, il m'est indifferent si l'on m'envie ou non, pourveu que j'aye tousiours un azile assure à l'abry de vostre Magistrature, que vostre esprit fait éclater d'une force indicible, que pratiquent les gens d'une Illustre Naissance comme vous estes, qui de pere en fils possedez les plus hantes Charges du plus Auguste Parlement de France ; & en outre pour participer de cette Lumiere de laquelle parle avec reuerence le Fauory du Sauueur, & le Docteur Angelique, vous estes aussi esleu de pere en fils par les admirables perfections que l'on reconnoist en vous, Administrateur de l'Hospital du Saint Esprit, afin qu'à l'imitation de Celuy qui possede les tresors inépuisables, pour tous ceux qui l'inuoquent en leurs neceffitez, passant d'affections en œuvres

*charitables, vous pourvoyés par vos soins
aux necessités des pauvres Orphelins, com-
me estant leur vray Protecteur; & consi-
derant toutes ces choses, & les autres ver-
tus qui reluisent en vous, c'est ce qui m'a
fait prendre la liberté, MONSIEUR,
que de vous supplier de me continuer vo-
stre bien-veillance, & de me permettre
d'exposer au iour sous vostre protection
ce petit Ouvrage, afin que j'aye l'honneur
de me dire publiquement,*

MONSIEUR,

Vostre tres humble & tres-
obéissant serviteur

DE LA MARTINIÈRE.



PREFACE.

AYant esté demandé à Euryphon qui estoit le Maistre qui l'auoit rendu si habile Medecin, il fit réponce que c'estoit l'Experience; Celse l'a tres-bien remarqué lors qu'il dit, qu'il vaut mieux estre Medecin sans Langue, & bien expérimenté, que grand parleur sans experiance; veu que l'eloquence & le babil ne guerissēt pas les malades, mais bien l'experience, laquelle a plus de force que la raison, & la raison que les autoritez que l'on peut alleguer; c'est pourquoy celuy qui a parfaite connoissance de la Physiologie, par la contemplation des choses naturelles, de la Simiotique, par les obseruations des Signes, tant

P R E F A C E.

presens, futurs que passez, afin d'entretenir la santé ; de la Prophylactique , en preuenant les maux qui menassent la santé ; de la Patologie, recherchant les genres , causes , especes, differences & Symptomes des maladies ; de la Therapeutique , chassant les maladies, tant par les operations de la main , que par les remedes tant simples que composez, & maintenans en santé par le regime de viure ; est plus sçauant sans parler , que celuy qui a la langue bien diserte. Les grands parleurs sont la pluspart si superbes , qu'ils aiment mieux ignorer de ce qu'ils ne sçauent pas que de vouloir apprendre de ceux qu'ils tiennent leurs inferieurs. Je vid il y a quelque temps vn échantillon de cette suffisance, par vn decret d'vne assemblée de Medecins , lequel portoit expresse deffence de consulter avec d'autres Medecins que ceux de leur Assemblée ; ces Messieurs n'ont pas pris gar-

P R E F A C E.

de que ce decret est contre l'ordre de nature, veu que le Medecin doit conuerſer avec chacun, tant ſçauans, ignorans, riches que pauvres, ſages, fols, iouials, melancholiques, qu'autres, afin de connoiſtre le naturel d'un chacun, & non pas ſuiure cette vanité ignorante de ne vouloir conſulter avec d'autres, que de leur cabale : conſiderant qu'Hippocrate tient à gloire d'auoir conſulté avec les Empirics de ſon temps, pour en auoir appris pluſieurs beaux ſecrets : Galien ne ſe glorifie pas ſeulement d'auoir conſéré avec les Empirics ; mais auſſi avec les Mineurs, deſquels il en a appris les vertus des Calſitis, & Couperoses, comme auſſi des paſſans, la vertu de pluſieurs ſimples & des ladres, la vertu de la Vipere. l'en citerois pluſieurs autres, qui non contents de conſerer avec les hommes, ont voulu conſerer avec les beſtes, pour en apprendre quelques choſes : en conſerant l'on apprend

P R E F A C E

ce n'est pas des-honneur de conferer avec de plus ignorans que soy, ny d'estre vaincu par de plus sçauans, non plus qu'un simple soldat ne seroit desestimé d'estre surmonté par un grand & vaillant Capitaine; qui ne se glorifiant pas d'avoir humilié le Soldat, qui aura de la gloire, quoy que vaincu, d'avoir eu affaire avec un Vailant. Cette consideration me fait humilier deuant de plus sçauans que moy, afin de les exciter de m'apprendre encore quelques choses pour me rendre plus parfait: c'est ainsi qu'en deuroient faire ces Messieurs, qui par une gravité de maintien, doux appasts, assurées affirmations, tissues de mil subtilitez, remplies de mensonges, arrogances & mépris, se presument plus de leur ignorance, voilée d'un pretendu sçavoir, que d'une science experimentée; ayans l'audace que de rejeter hardiment ce qu'ils ne trouuent pas à leur fantaisie, quoy que ce soit des

P R E F A C E.

choses meilleures que ce qu'ils peuvent inuenter: & par leur éloquence ils persuadent si bien leur dire, que les plus éclairez ont bien de la peine de discerner le faux du vray, habillant si bien à leur mode la connoissance & l'ignorance, qu'ils font souuent passer l'une pour l'autre, selon leur caprice, méprisans ceux qui n'ont pas la langue si bien pendue qu'eux: mais si l'on leur auoit osté le babil, ils seroient aussi inutiles que des flutes sans vent, leur doctrine n'estant qu'une vanité de passer pour Docteurs & Maistres: & comme le Iuge Bridoye qui jugeoit les procez à l'hazard, ils ordonnent aux malades qu'ils traitent la premiere recepte qui leur vient à l'esprit, laquelle est ou vne saignée ou vn clystere, ou vne infusion de sené, sans considerer la cause du mal. Quoy que quantité de Doctes Medecins & plus sçauans que moy, ayent escrit contre eux, mais en vain, puis

P R E F A C E

qu'ils s'entretienēt dans leur erreur, neantmoins pour tascher de lesdetacher de la presumption qu'ils ont, j'ay entrepris de faire ce Dialogue dans lequel ils pourront connoistre, que l'on peut estre bon Medecin sans estre Docteur: & dans mes livres de *Naturaliste Charitable*, d'*Empiric Charitable*, de *Pronosticateur Charitable*, *Traitté des Bestes Veneneuses*, *Traitté des Operations de la Main*, *Traitté des Antidotes*, *Traitté de la Maladie Venerienne*, *Fleurs des Miracles de Nature*, *Traitté du Fleau de Dieu*, *Operateur Ingenu*, *Abregé des Medicamens Vomitifs*, & autres Livres que j'ay composé, que l'on peut estre bon Chirurgien & bon Apothicaire sans estre Maistre.



L'OMBRE
D'ES CVLAPÉ

Reconnaissant les
erreurs de plusieurs
Praticiens de la
Medecine et le moyen
de la bien pratiquer


Par le Sieur

DE LA MARTINIÈRE

Medecin Chirurgen et Opereur
-teur du Roy - L'adonne

Avec privilege du
Roy.

A Paris Chez
l'Auteur Rue de la Harpe
a l'esperance



L' O M B R E

D'ESCVLAPE

DECOVVRANT LES
erreurs de plusieurs Praticiens de
la Medecine, & le moyen de la
bien pratiquer.

1803


DESCALC

DESCOVARANT

et de la

la médecine

et de la



L' O M B R E

D'ÆSCVLAPE.

*DECOVRANT LES ERREURS,
qui se trouuent parmy plusieurs
Praticiens de la Medecine, & en-
seignant aussi le vray moyen de la
bien pratiquer.*



ESTANT attaché
à contempler les
effets de la Nature,
y demeurant vn fort
long - temps fixez,
mes paupieres estant plütoſt
lassées que mes yeux, fit qu'elles
se joignerent l'vne contre l'au-
tre, & des aussi - tost l'assoupisse-
ment prenant possession de moy,
me fit mettre le coude sur la

table & la main sous mon visage pour reposer ma teste, estant en cette posture, il me sembla voir sortir d'un lieu obscur & esloigné, & d'un liect noir, un homme doux & aymable, tant à son regard qu'à sa phisionomie, ayant à sa main droicte vne corne, de laquelle il me toucha, & à la gauche vne dēt d'Elephant, il estoit accompagné de trois enfans, dont deux demurerent au logis, & un vint iusques à moy, puis disparoissans, il me sembla voir entre plusieurs Estoilles un gros Serpent, lequel se methamorphosa en un homme bien fait, ayant vne grand' barbe, vne courronne de diuerses fleurs sur sa teste, un baston remply de nœuds en sa main droicte, qui estoit entortillé d'un Serpent, sur lequel il y auoit un Corbeau, sur sa gauche un Coq, & à son costé droit estoit un Chien, & vne Chevre, & à son gauche estoit deux

Enfans fort alegres & bien faits, lesquelles choses me firent peur: Ce Personnage me regardant, me dit (ne craint point). r'asseur-
rant mes esprits, ie luy deman-
day ? qui estes-vous ; sur quoy il
me respondit, ie suis *Æsculape*
fils d'*Apollon* & disciple de ce
grand *Empiric Chiron*, lequel
par son sçauoir & ses experiences,
m'ayant rendu capable de guerir
toutes maladies, *Diane* m'estant
venu trouuer pour me supplier de
ressusciter *Hypolite*, fils de *The-
sée*, lequel estoit mort, desirant
obliger cette grande Deesse, fit
que ie le ressuscitay, & *Iupiter* en
sçachant les nouuelles, & en
estant indigné, veu qu'il me
voyoit capable de dépeupler les
Enfers, fit qu'il me foudroya ;
mais à la priere d'*Apollon* mon
pere, me faisant renaistre, il m'ot-
ta la forme humaine, me reuet-
tant de celle du Serpent, & com-

me les hommes ne me peuent connoistre qu'en cette figure, la Nature desirant te fauoriser dans ton assoupissement cōtemplatif, elle t'a enuoyé le Sommeil, lequel est cét hōme que tu as veu auant moy, & les trois enfans qui l'accōpaignoit son siens, dont l'vn s'appelle Phantase, lequel represente aux dormans toutes choses inanimées, l'autre s'appelle Phobor, lequel represente les formes & façons de tous les animaux, celui qui est venu iusques à toy avec son pere, est Morphée, lequel represente aux dormans les formes, figures, gestes & paroles des humains: L'impatience de sçauoir pourquoy le Sommeil m'auoit plûtoſt touché avec la corne qu'avec la dent d'Elephant, fit que ie luy demanday; à quoy il me respondit que la dent d'Elephant estant d'une matiere dure, les songes veritables ne pouuans

passer au trauers, la corne estant diaphane, subtile, clair & transparente, receuant aisément la lumiere, fait que les songes veritables passent mieux au trauers; c'est pourquoy il t'a touché avec la corne, afin d'imprimer dans ton ame les reuelations que ie te veut enseigner, lesquels te seront profitable, comme aussi au public, si tu luy enseigne, ie le supliay des aussi-tost de ne me rien celer, il me le promit, me disant; tu sçay qu'Aristote, que Platon appelle l'Intellect & le Philosophe de la verité & par d'autres le Genie de la Nature; a dit que les corps des animaux sont engendrez proprement de sang, que par luy ils sont maintenus & nourris, & que le Sperme prend sa generation du sang, s'accordant avec Pytagore, lequel dit aussi, que la semence generatiue est l'escume du plus pur sang; mais Empedocles pas-

sant bien plus avant, dit que l'ame est le sang, laquelle opinion semble estre confirmée par Moyses, ayant deffendu par ses Loix aux Enfans d'Israël de manger le sang des animaux; remarque aussi que Beniuenius & Iean de S. Aman, disent que le *sang* est le *tresor de la santé*, & le *siege de l'ame*, lequel estant osté cause sa ruïne par les susperfluitez pituiteuses qui s'engendre à sa place; mais, luy dit-ie, Botal tres-expert Medecin nous enseigne que toutes les maladies prouiennent de l'abondance du sang, & qu'en se corrompant il fait la cacochymie, & que par consequent il est de necessité de saigner voidāt le trop plain pour soulager le malade; c'est pourquoy les plus experts Medecins de ce siecle saignent à toutes maladies? mon enfant, me dit-il, ie sçay que Botal estoit tres-sçauant; mais en babil & ignorant en

pratique, ceux qui suivent ses opinions en font plus mourir qu'ils n'en guerissent, & s'il s'en guerit d'entre leurs mains; c'est plus par miracle de Nature, que par leur science, & comme ils aspirent à avoir beaucoup de pratiques, suivant les paroles de Botal, faisant faire évacuation du sang des veines des malades, les debilitans ils les soulagent de la bourse, vuidans le trop plain pour remplir la leur vuide, & comme peut-estre tu parroit avoir retenu quelque mauuaise impression de la methode de ses Sangsuës humaines, pour l'exerfer au désauantage de la bonne reputation que tu a acquise, fait que ie te conseil de voir les Liures d'Hippocrate, ou en son *second Liure des Affections des Maladies*, tu verras comme à vn mal de teste avec fièvre intermitante § 16. il ne saignoit pas. A autres maladies

de teste avec fièvre § 18. & 20. il ne saignoit pas. A autre maladie de teste avec forte fièvre § 23. il ne saignoit pas. A autre maladie de teste avec petite fièvre § 25. il ne saignoit pas. A autre maladie de teste avec interruption de voix § 26. 27. & 28. il ne saigne pas. A la corruption du cerueau avec fièvre § 29. il ne saigne pas. A la carie des os § 30. il ne saigne pas. Aux trois Squinancies, soit avec fièvre ou non § 34. 35. il ne saigne pas. A la maladie de l'wüée § 36. il ne saigne pas. Aux Ton-
silles § 37. il ne saigne pas. A l'en-
flure de dessous la langue appellé Hypoglose § 38. il ne saigne pas. A l'enflure du palais § 39. il ne saigne pas. Aux cinq sortes de Polypes § 40. & 41. il ne saigne pas. Aux fièvres bilieuses § 44. 45. & 46. il ne saigne pas. A la fièvre Quarte § 47. il ne saigne pas. Aux trois especes de Pleuresies, quoy

qu'il y ait fièvre § 48. il ne saigne pas. Toutesfois dans son *Liure De ratione Viætorum*, § 12. il dit que si la douleur s'estend iusques aux Clavicules, qu'il faut saigner; mais que si elle ny va pas, que la saignée est nuisible, à quoy ces Messieurs les Sangneurs ne prennent pas garde de si pres, saignant aux moindres douleurs que l'on ressent, & principalement à toutes Pleuresies. A vne espee de Peripneumonie § 49. il ne saigne pas. A la Supuration de la peripneumonie avec fièvre § 50. il ne saigne pas. A trois Tables § 54. 56. il ne saigne pas. A l'Artere blessée, quoy qu'il y ait fièvre & rigueur § 58. il ne saigne pas. A la convulsion des articles du Poulmon, avec fièvre § 59. il ne saigne pas. A l'Erysipelle du Poulmon, avec fièvre & grand froid § 60. il ne saigne pas. A la maladie Dorsalle, avec fièvre, rigueur, toux & difficulté

de respirer §. 61. il ne saigne pas. Au Tubercule du Poulmon § 62. il ne saigne pas. Au Poulmon trop plain § 63. il ne saigne pas. Au Poulmon adterant aux costez § 64. il ne saigne pas. Au Tubercule du costé § 65. il ne saigne pas. A la rupture de la Poitrine & du dos §. 67. il ne saigne pas. A la fièvre ardante § 68. il ne saigne pas, disant en son Liure *De ratione Vietus acutorum* § 34. que la fièvre ardante prouient de ce que les veines estant desechées, ont attirées à elles les humeurs acres, billieuses & sereuses. A la fièvre sanglante § 69. il ne saigne pas. A la Letargie § 70. il ne saigne pas. A la maladie Dessechante § 71. il ne saigne pas. A la fièvre Tuante § 72. il ne saigne pas. A la maladie Liuide § 73. il ne saigne pas. A la maladie Rottante § 74. il ne saigne pas. A la maladie Pituiteuse avec fièvre § 75. il ne saigne pas.

A la Pituite blanche § 76. il ne saigne pas. A la maladie Difficile § 77. il ne saigne pas. A la maladie Noire, quoy qu'il y ait fièvre § 78. il ne saigne pas. A la maladie Corrompante §. 79. il ne saigne pas.

En son *Liure trois des Maladies.*

A la repletion du Cerueau § 2. il ne saigne pas. A la corruption du Cerueau § 4. il ne saigne pas. A la Letargie & fièvre ardante § 5. & 6. il ne saigne pas. Aux Pleuresies § 9. il ne saigne pas. A la Iaunisse § 12. il ne saigne pas. Aux Convulsions, appellées Tetane & Epistotone § 13. & 14. il ne saigne pas. A la Peripneumonie avec fièvre § 16. il ne saigne pas. A la Pleuresie seiche, Pleuresie du dos, Pleuresie sanguine, & à vne autre Pleuresie § 19. 20. 21. & 25. il ne saigne pas.

En son *Liure de Affectionibus.*

Aux douleurs d'oreilles § 3. il ne saigne pas. A l'inflammation des

genciues & du deffous de la langue § 4. il ne saigne pas. Aux dents gastées & douloureuses § 5. il ne saigne pas. Aux Polypes § 6. il ne saigne pas. A la Pleuresie, acompagnée de douleur de teste, fièvre, toux & difficulté de respirer § 7. il ne saigne pas. A la Peripneumonie, accompagnée de toux & fièvre, § 8. il ne saigne pas. A la Phrenesie, avec fièvre § 9. il ne saigne pas. A la Fièvre ardante § 10. il ne saigne pas. Aux fièvres Hyemales, il ne saigne pas. Aux fièvres Estueuses § 13. il ne saigne pas. Aux douleurs de ventre, qui viennent en Esté § 14. il ne saigne pas. Aux douleurs de vêtre de dessus le nōbril § 15. il ne saigne pas. Aux fièvres Tierces, & à ceux qui sont eschauffez par le Soleil, il ne saigne pas. A la fièvre Quarte, il ne saigne pas. A la Pituite blanche, qui passe en Hydropisie § 18. il ne saigne pas. Au Voluule § 21. il

il ne saigne pas. A la Dyscenterie, Lienterie, Diarrhée & Ténésie §. 24. & 25. il ne saigne pas. A la sortie de la Bile, soit par haut ou par bas, pourauoir trop beu & mangé § 27. il ne saigne pas. Au pissotement de sang & distillation d'vrine § 28. il ne saigne pas. aux Gouttes Sciatique, Podagre, & autres maladies des jointures § 29 30. & 31. il ne seigne pas. A la Jaunisse § 32. il ne saigne, pas. Aux rognés, demengeaisons, impetigos, Alopecies, Lepres Tubercules, Carboucles, inflammations; Escrouelles, Vertiges & autres maladies semblables § 33. & 35. il ne saigne pas.

En son liure second des Maladies des femmes § 2. il ne saigne pas A la douleur de la bouche ny de l'estomach. *En son liure de la Superfection* § 26. il ne saignent pas les femmes qui ont leurs purgations trop fortes.

En son liure de la Venë, il dit

qu'il ne saigne point pour les maladies des yeux , de couleur de Mer & du Ciel.

En son troisieme liure de la Diette, à la fièvre causée de lassitude , il dit que si vne sueur survient au malade le quatre ou septième jour, que le malade se trouuerra guery sans aucune saignée.

En son liure des affections internes
En l'article du Poulmon Ulceré § 1. il ne saigne pas. Lors que la veine ou artere qui va au Poulmon est retirée , quoy qu'elle cause convulsion ou fièvre § 2. il ne saigne pas.

A la supuration de la poitrine § 3 il ne saigne pas. Au Tubercule du Poulmon avec fièvre , & rigueur § 4. il ne saigne pas. A l'inflammation du Poulmon avec fièvre , rigueur , & soif § 7. il ne saigne pas. Au Poulmon enflé avec fièvre , toux & rigueur § 8. il ne saigne pas, A la poitrine & dos rompus, causant

fièvre, toux & rigueur § 9. il ne saigne pas. A vne Tubercule qui supure, ou qui a supurée, accompagnée de fièvre, toux, douleurs des espauls, des clavicules, des mamelles & du costé § 10. il ne saigne pas. A 3. sortes de Tables § 11. il ne saigne pas. A la desiccation de l'espine, & de la moëlle du dos § 14. il ne saigne pas. A 4. maladies des reins § 15. 16. 17. & 18. il ne saigne pas A cette grande maladie des Reins, qui prouient de la repletion des veines § 19. il ne saigne pas. A vne autre maladie prouenant de la veine fenestre § 21. il ne saigne pas A la Pituite qui cause mal au ventre § 22. il ne saigne pas. Aux maladies causées de Bile & de Pituite § 23. il ne saigne pas. A la Pituite vieille § 24. il ne saigne pas. A six especes d'Hydropisies § 25. 26 27. 28-29. & 30. il ne saigne pas. A cette maladie du Foye appelée premiere Hepatique § 31. 32. & 34. il

ne saigne pas. Aux premiere, seconde, quatriesme & cinquiesme Splenetiques, qui est maladies de la Rate, quoy qu'il y ait fièvre § 35. 37. 38. & 39. il ne saigne pas. A six especes de Jaunisses, quoy qu'il y ait fièvre, rigueur & grand froid § 40. 41. & 43. il ne saigne pas, A certaines maladies qu'il nomme *Typos* § 44, 45. 46. 47. & 48. il ne saigne pas, Depuis le § 49. jusques au 59. il dit que si la matrice est ouuerte plus qu'elle n'estoit auparavant, qu'il ne faut point saigner, que si la femme est trop foible, & que ses mois coulent par trop, qu'il ne faut point saigner, que si la matrice va vers la teste, ou vers les cuisses, ou vers le siege, ou vers les pieds, qu'il ne faut point saigner, que si la femme a commodement ses mois, & qu'elle ne conçoive point, qu'il ne faut point saigner, que si la femme a la matrice enflée, ou douloureuse, ou puant

te, ou enflammée, ou vlcérée, ou agrandie ou froide qu'il ne faut pas saigner, que si la matrice montante vers le cerueau sans se retourner mesme sans desenfler, qu'il ne faut pas saigner, que si la secundine ne sort point, que les mois ne viennent point en temps commode, qu'il ne faut pas saigner, que s'il y a demengeaison à la matrice, qu'il ne faut pas saigner, que s'il suruient distillation d'vrine qu'il ne faut pas saigner, que si la femme accouchant que ses costez & ses jambes font mal qu'il ne faut pas saigner, que si la matrice est fermée, & que les mois ne coulent pas qu'il ne faut pas saigner. Au § 64. il dit que si le laict est tarry qu'il ne faut pas saigner. Depuis le § 65. jusques au 78. il decrit plusieurs autres maladies des femmes, esquelles il ne saigne pas. Et depuis le § 85. jusques au 129. il decrit plusieurs autres mala-

dies ; esquelles il ne saigne pas.

De la Martiniere. Je suis tout surpris de vous entendre citer tant de maladies esquels Hippocrate ne saigne pas, voyant que ce *Portier des Sciences* assure qu'il suffit de la saignée, souvent reiterée & l'eau, pour guerir toutes maladies.

Esculape. Tu a raison de le nommer *Portier des Sciences*; car tout ainsi qu'un *Portier de College* qui sçay tous les noms des *Escoliers* mais non pas leur sçavoir, aussi sçay t'il le nom des *Autheurs*; mais ignorant de leur science, Hippocrate à raison de se plaindre de ce que la *Medecine* qui est l'Art le plus excellent est tenu pour le plus odieux, à cause de l'ignorance de ceux qui l'exercent, lesquels sont contans d'estre habilez en *Medecins* & de porter le titre de *Docteurs*, l'estant de bruit & de reputation, mais non d'effet, saignans à tort & à travers, aussi bien le malade que le sain,

le jeune aussi bien que le vieux ,
le defluxionnaire aussi bien que le
febricitant, le foible aussi bien que
le fort, en hyuer aussi bien qu'en
Esté, en region froide aussi bien
qu'en chaude, rendans le plus qu'ils
peuvent les cymetieres bossus : Si
Fachse lequel sur le Commentaire
du Liure *De sanguinis missione*, a dit
qu'Auicenne deuoit estre bany des
Escoles, à cause que comme vn
boureau il enseignoit de tuer les
hommes il en diroit bien dauanta-
ge au temps present, comme aussi
plusieurs Medecins qui florissoient
dans le temps que cette bourelle-
rie ne commençoit qu'à estre en-
fantée, car comme dit Mercurial,
en perdant le sang, le corps se re-
froidit, les forces s'affoiblissent &
l'esprit vital se pert.

De la Martiniere. Mais pourtant
Roussi ayant remarqué qu'au Livre
De sanguinis missione chap. 20. que
Galien dit, qu'il faut saigner à quel

jour & heur que l'on sera appellé du malade il le fait aussi.

Esculape il le peut faire, mais mal à propos, veu que *Galien* dit ensuite qu'il faut excepter l'âge pueril, l'air & la saison trop chaude, qu'il faut observer le cour de la Lune, & que la saignée doit estre faite avant que les forces soient diminuées, & dans le *mesme Liure de sanguinis missione Chap. 6.* il donne dix regles pour saigner bien à propos, qui sont, de regarder l'habitude du corps du malade, sa force, sa foiblesse, son occupation, sa vacation, son viure precedant, sa complexion maigre ou grasse, la sortie ou retenuë de ses excréments, la plénitude, quantité ou qualité des humeurs, la region du lieu, & la saison de l'année.

Riss. en sa Iatromathematica au Chapitre de Phlegbotomia, il enseigne soixante & dix-huict observations pour saigner avec prudence

ce, & Galien en son *Liure premier de la fuculté des alimens Chap. 4.* dit que si l'indisposition ou maladie a dissipé quantité de forces, qu'il ne faut point du tout tirer de sang, d'autant que par vne saignée, grande quantité d'esprits se dissipent, qui fait empirer le mal de telle façon, que jamais les forces ne se reparent.

De la Martiniere, Pourtant un des enfans de la *Tannerie* ordonna en ma presence à vne de mes meilleure amye, qui estoit âgée, & qui auoit esté fort tourmentée de convulsions prouenant d'une Apoplexie, quoy qu'elle eust esté déjà saignée plusieurs fois, encore vne petite saignée du pied pour la soulager, & luy faire reuenir ses forces, qui fut faite dès aussi-tost que ie fus sorty de son logis, de laquelle je croy qu'elle en est morte, veu que le Soleil estoit au Sagitaire; la Lune peregrinante sortoit d'Aquarius, &

alloit faire son entrée en la maison des Poissons. Iupiter par sa rencontre se trouua à son opposite, & Venus dominoit sur la teste du Dragon accompagnée de beneuoles, qui regardoient la Lune, ce qui me fit fort estonner, lors qu'au bout d'une heure estant de retour chez cette amye, je vis que son esprit luy estoit troublé; & ayant de mandé si l'on ne luy auoit rien fait, m'ayant esté dit qu'elle auoit esté saignée du pied, je ne pû adapter son troublement d'esprit, qu'elle a gardée jusques à la mort qu'à cette saignée.

Esculape tu as bien raison; car comme dit Galien en son *Liure de valetudine conseruandum Chap. 5* à vn corps lassé il y a peu de sang, & quantité d'humeurs cruës, & que par consequent il ne faut point ouurir la veine, attendu que le bon sang se vuidant les veines, estant proche du foye & du mezantaire,

attirent & succent toute l'habitude du corps. En son *Traitté de la saignée Chap. 6. & 13.* il dit que si les parties seminales sont foibles, comme aux enfans, quoy que le reste du corps soit robuste, que l'on ne doit point saigner, comme aussi quoy que les parties seminales soient fortes, les parties charneuses estantes foibles, ou si l'imbecilité est aux esprits, & de plus que les vieilles gens ne doiuent point estre saignées, à cause que la quantité de leurs parties viuentes, & de leurs esprits est petite, & qu'auant la saignée leurs forces sont foibles. En son *Liure 2. de Methodi medendi Chap. 2.* parlant de l'Erysipelle, il dit qu'il faut se contenter de purger par médicament, sans venir à la saignée; attendu que l'Erysipelle demande plustost rafraichissement qu'éuacuation. Au *Liure 4. de Methodi Chap. 6.* & au liure de *curandi ratione per sanguinis missione Chap.*

18. il dit qu'il faut retarder la saignée en toute maladies ; voir mesme aux aiguës , afin de faire cuire la matiere cruë qui est dans le ventre , de crainte que le foye & les veines vuides n'attirent ces humeurs. Dans *le mesme liure Chap.* 21. il dit qu'il se faut bien garder d'euacuer vn malade tant qu'il sera foible , & Celse dit que si l'on saigne au commencement de la fièvre que l'on tuë le malade , & Pons en son *liure de Nimia licentiosa sanguinis missione* , qu'un malade affligé de Cacochymie bilieuse , estant saigné , la Cacochymie se rendra plus bouillante & violente , à cause que le sang par sa benignité tempere & modere son acrimonie. Fallope en son *liure de Medicamentis purgantibus , simplicibus* , Chap. 11 & 21. dit que la Cacochymie doit estre purgée par medicamens laxatifs , d'autant que cette humeur est entierement contre nature , qui
demande

demande à estre éuacuée par medicamens , & non par la saignée , & Arnaud en son *Regime de santé* Chap. 5. dit que les vieilles gens doiuent auoir le ventre libre & fuir la saignée.

De la Martiniere mon Cousin germain dit pourtant lors qu'il voit vn malade fort debile , que cette foiblesse ne vient d'autre chose que de ce que les esprits sont estranglez , & que pour les soulager il faut ouurir la veine , puis le lendemain donner vne petite purgation , & que purgerotant & saignerotant vn malade , que cela le soulage beaucoup , les remedes violans estans tout à fait contraire à la santé , laquelle opinion est suiue de plusieurs : c'est pourquoy l'on defend les vomitifs & les purgations seules , sans estre accompagnées de saignées.

Esculape ils le doiuent deffendre aussi en France , Allemagne ,

Angleterre, F andre, & autres lieux où les personnes sont blanches, afin d'attirer mieux l'argent des malades en les traitans en pas de limaçons, car en suivant les regles des Anciens, donnant les vomitifs aux maladies qu'il conuiennent, & les autres purgatifs, guerissant trop tost leurs malades, ils en auroient bien moins de pratiques.

De la Martiniere. Les Purgations suffisent dont pour guerir toutes maladies.

Esculape. Oüy, la saignée estante peu necessaire, principalement en France, car comme dit Galien en son liure de *missione sanguinis*, & Plin en son *liure 4 Chap 17.* que les Gaulois, les Allemans, & les Anglois doiuent estre moins saignez que ceux des autres nations, à cause que leur region est plus froide, & que par consequent leur foye, & leur sang sont plus froids,

& que comme leur sang est subtil leur vertu naturelle estant assés foible d'elle mesme, l'éuacuation du sang la diminuë encore beaucoup, c'est pourquoy je peut dire avec Galien sur son *liure 9. de Methodi medendi*, que le Medecin qui n'a égard ny à la nature, ny à l'âge, ny à l'habitation, ny à la saison de l'année, ny en l'état du Ciel, qu'il est mauuais Medecin.

De la Martiniere ? Pourquoy se fait-on saigner plusieurs fois l'an.

Esculape, C'est par vne manie & vn mauuais conseil; car comme dit Lemne en son *liure de complexionibus Chap. 7.* l'esprit vital sortant avec le sang le corps se refroidissant, fait diminuer & perdre la santé, d'autant que la saignée empêche les fonctions naturelles de se faire bien; & Dorn Creil assure que la purgation seule est necessaire à la Cacochymie, d'autant que

le sang ne pefche jamais en qualité, mais en quantité; car quand il eft corrompu & poury, fe conuertiffant en colere & melancholie, il peut eftre purgé par melanogogues & non par la faignée, & Rhafis dit que la frequēte faignée caufe plusieurs incommoditez, & que corrompant la bonne complexion, elle hafte la vielleffe & fait venir la mort. Et Galien en fon *liure de fcari-ficatione*, dit qu'il ne fait pas bon faigner plusieurs fois de l'année, veu que le sang qui eft le trefor de la vie, quoy qu'il foit abondant il ne doit point eftre tiré des veines, que lors qu'il menace de quelque dangereux accident: par confequent il ne faut dont pas ordonner la faignée pour vne fimple chaleur exceffive du foye, veu qu'il y a affez de remedes froids, qui conuiennent mieux pour raffraichir que la faignée; & comme dit Campegius dans fon *Miroir de la*

medecine, sur les medicamens purgatifs, que Galien a guery plusieurs Apoplexiques, Maniaques, Mécholiques, Epileptiques, par la seule purgation, comme aussi des Flux mentruals à des femmes, & autres incommoditez de la matrice, vielles douleurs en diuers endroits, Vertiges, dispositions aux Cancers, Dartres, Alopecies & autres accidens, sans se seruir de la saignée.

De la Martiniere, Cependant vn certain *Courtisan* ordonne à toutes ces maladies le bain & les saignées souuent reiterées, disant que ces deux choses là suffisent pour les guerir avec quelques petites purgations,

Esculape, Il est encore jeune, il pourra à l'imitation de Galien & d'Auicenne, qui tant plus ils vieillissoient, tant moins ils ordonnoient la saignée; se defaire de cette coustume sanguinaire, lors

qu'il aura leu Fernel, lequel en son *liure de Methodi medendi, Chap. 4.* dit qu'il ne faut point saigner, aux Serrhe du foye ou de la ratte pour les accidens qu'il en suruient, quoy que les ignorans ayent accoustumé de saigner, si tost qu'ils voient les vrines rouges, ou saigner du nez, ou les veines rouges, croyans que cela provient du regorgement du sang. Au *Chap. 17.* qu'il se faut bien garder de tirer le sang impur. En son *liure 3. Chap. 8.* que le sang cacochyme des veines ne peut couler à part, lequel pour le faire évacuer, que la purgation seule est nécessaire & non pas la saignée, abhorant les ignorans qui saignent en la Cacochymie. En son *liure 6. de partium morbis Chap. 8.* dit que la saignée immodérée, soit du nez ou de la matrice, ou des Hemorroïdes, & tout ce qui espuise les for-

ces des parties nourissantes, dissipe les esprits & la chaleur naturelle. En son *livre 2. de abditis rerum causis*, Chap. 12. qu'en la peste il ne faut point saigner, veu que la saignée cause la mort du malade ou le fait empirer. Au *mesme livre* Chap. 11. que la saignée ne convient point à la fièvre tierce, veu qu'elle emporte l'humeur necessaire, laissant l'impure & nuisible. En son *livre 2. de Methodi medendi* aux fièvres intermitantes, soit quartes, tierces ou quotidiennes, quoy que simples il deffend la saignée, & en son *livre de innato calido*, il dit que la *Nature selon les Medecins* est la *Vertu primitive*, qui vient avec nous dès nostre conformation, laquelle nous conserue tant qu'elle peut en la chaleur innée, & partant, si les hommes se desirent cōseruer, il faut qu'ils vsent moins de saignée qu'ils pourrōt, pour maintenir cette chaleur innée qui est en eux, c'est

pourquoy Galien en son *liure de sanguinis missione Chap. 13.* dit qu'il ne faut pas saigner les personnes blanches qu'avec meute jugement, attendu qu'ils ont peu de sang. par consequent peu de chaleur, & que les enfans estant trop humides, leurs force & chaleur estant tost dissipée & abatuë il ne les faut pas saigner, qu'ils n'ayent atteints l'âge de quatorze ans.

De la Martiniere ; C'est pourtant la coustume : au jourd'huy de la plus grande part des Medecins de saigner les enfans, car comme ils disent, ils n'ont que trop de chaleur, & leur manger continuel leur engendre que trop de sang.

Esculape, mon enfant Duret parlant contre tels Medecins, les appelle *Bourreaux de la Nature*, *executeurs de la haute ignorance & meschans praticiens*, qui en font plus mourir par la saignée qu'ils n'en guerissent ; car comme il dit,

le sang estant le Nectar viuifiant & la substance de la vie. Suiuant Galien & Buccijs il faut s'abstenir de saigner, lors qu'on peut guerir par purgations & autres medicaments; c'est pourquoy tels Medecins ignorans qui ordonnent la saignée sans considerer qu'il n'y a rien qui diminuë plus la chaleur naturelle & les vertus distributrice, attractrice, retrentrice & digestriue, deuroient comme dit Beniuenius en ses *observations medicalles Chap. 54* estre grandement soigneux à connoistre & traiter les malades, d'autant que par leur ignorance ils commettent plusieurs fautes; c'est ce qui fit dire au Comte en mourant, que la saignée estant entiere-ment damageable, que la Medecine n'estoit qu'un pur abus.

De la Martiniere, l'ay pourtant saigné plusieurs personnes qui s'en sont bien trouuée.

Esculape. Ils en auoient donc

grande nécessité.

De la Martiniere, Vous n'en devez point douter ; car je ne traite aucun malade, qu'en m'enqu Coastant de la partie affligée, que je ne considère le temperemment & la nature d'icelle, sa forme, figure, siege, & accord avec les autres parties voisines, & son sentiment ; je regarde aussi l'âge, le sexe, les forces & le temperemment de tout le corps. Je m'enqu Coaste, en quel temps a commencé la maladie, en quel estat elle est, si elle a augmenté ou diminué, & si les facultez naturelles vont bien, & je m'enqu Coaste aussi, de quelle vacation ou exercice est le malade, de son inclination, & de quel país il est. Je regarde en suite l'habitation de la demeure du malade, à l'air qui y domine, à la constitution du Ciel & à la saison de l'année ; puis je traite le malade suivant les bons enseignemens que j'ay eu & ma

conscience, donnant des remèdes au malade suivant ses forces, & à la grandeur du mal present ou à venir.

Esculape Tu fais bien d'observer toutes ces choses. Si tous les Medecins faisoient de mesme, il ne mourroit pas tant de malades qu'il en meurt; mais dis-moy? n'a-tu point encore eu de different contre quelqu'un de ces Messieurs qui ordonnent la saignée à toutes maladies.

De la Martiniere, Oüy, & de memoire rescente, je rencontray il y a quelque temps vn *Aspirant en Medecine*, lequel me demanda si je n'auois point eu de nouvelles d'une personne qu'il auoit pensé, luy ayant fait responce qu'il m'auoit escrit, que sa veuë luy estoit debilitée en suite de sa derniere saignée, qu'il s'estoit fait faire au pais? ce Medecin me respondit que cette debilité de veuë luy prouenoit de

ce qu'il n'auoit pas esté assez saigné, je luy reparty qu'il l'auoit esté trop des trois saignées qui luy auoient esté faites : sur quoy il me dit que je ne pouuois prouuer mon dire, je luy repliquay, vous ne pouuez nier qu'il est âgé de soixante ans ; & que sa maladie prouient d'un flux Dysenterique, qui s'est tourné en Hepatique, qu'il n'auoit ny fièvre, ny mal de teste ny alteration. Si vous auiez leu Riolan, vous verriez que ces trois saignées que vous avez ordonnée, & qui ont esté faite, c'estoit sans besoin, attendu que le foye estant refroidy par le flux Dysenterique & Hepatique, l'estant encore par la saignée ; il n'en a pû arriuer que ce que je luy ay predict, qui est, qu'en suite de la premiere saignée, que la fièvre luy suruiendrait ; qu'en suite de la seconde, ses jambes & pieds enfleroiēt, & qu'en suite de la troisieme que sa veuë se debiliteroit

debiliteroit, & que s'il vouloit aller voir les Parques en poste, qu'il n'avoit qu'à se faire saigner vne quatrième fois : mais ayant reconnu mes Pronostics veritables, il s'est contenté de l'avoir esté trois fois.

Esculape, que te respondit-il

De la Martiniere, il me dit adieu, vous n'este qu'un esprit de contradiction, & s'en alla sans me vouloir respondre, me disant qu'il reuiendrait me satisfaire, lors qu'il seroit receu Docteur.

Esculape C'est qu'il ne le pouuoit pas, voyant que tu disois la verité : mais il a eu tort de t'appeller esprit de contradiction, veu que ton opinion s'accorde à celle d'Heurnius, lequel dit qu'il ne faut point saigner ceux qui sont malades par vidange, si l'on ne les veut tuer, veu que par la saignée l'ame sort avec le sang. Ferrier en son *livre castigationum* Chap. 17. dit que le flux de ventre si petit qu'il soit, affoiblit toujours

le corps, & que lors qu'il vient abondamment, qu'il renuerse de telle façon la nature que les forces du malade ne peuvent s'égalér à la force du mal ; Ce Medecin te parloit en ignorant, te disant que la debilité de veuë qui estoit suruenue à ce vieillard, prouenoit de ce qu'il n'auoit pas esté assez saigné : car comme dit Riolan les yeux estans innez & plains d'esprits animal, ils sont debilitez par la saignée, laquelle épuisant les esprits vitaux, elle les emporte avec le sang. Rhasis & Cardan disent, qu'ils ne faut point saigner les vieillards que par vne grande necessité.

Constantin l'Affriquain, en son *liure de la Chirurgie Chap. 8.* dit que la saignée refroidy l'estomach & le foye, diminuë le coït, trouble la veuë, cause l'Hydropisie & la Jaunisse, fait venir l'Epilepsie & la Morphéc. Ioubert au *Chap. 15. de sa seconde partie des Erreurs populaires*, dit que

c'est grand dommage de saigner indifcretement & sans besoin. Galien, que l'on ne doit point éuacuer le sang, que pour sauuer le demeurant : comme lors qu'il y a vn mal si grand qu'il peut tout faire perdre, ayant assez de choses qui conuiennent mieux que la saignée, pour guerir les maladies. Fuchse dit que la saignée frequente refroidy le corps, dissipe les esprits en diminuant toutes les actions naturelles. Arnaud en son *liure de consideratione operis Medica Chap. i.* dit qu'il faut dissuader la saignée à ceux qui ont le sang boüillant, & qui abondent en cholere & bile rouge, à cause que le sang est le frain de la colere, qui la garde de boüillir; & en son *liure de regimine sanitatis*, que le sang est purifié par les purgations & non par la saignée. *Buccius* en ses recherches, dit que nul ne doit estre si hardy, que d'entreprendre de guerir l'Hydropisie par la saignée, la quelle

n'est aussi aucunement propre aux autres maladies froides; & Hippocrate en son *liure de carnibus* § 1. disant que l'ame subsiste par la chaleur, laquelle est la chose immortelle, qui entend, void, oyt & sçait tout, tant le passé, le present que l'aduenir, & qui opere par les trois facultez rationnelle, irascible & concupissible, dont la rationnelle est au cerueau; l'irascible au cœur & la concupissible au foye; c'est pourquoy tu a seueraison de dire à ce pretendan au Doctoral Medecinal, que les trois saignées ordonnées à ce malade de flux de ventre, qu'elles n'estoient pas necessaires, veu qu'il deuoit estre assez debile sans le debilater dauantage.

De la Martiniere Je me rencontray il y a quelque temps, chez vn honneste homme, lequel par vne maladie, qu'il a eüe il a perdu vne testicule, n'y en estant resté que gros comme vn petit pois, tellement

que lors qu'il s'efforce il tombe dessus, vne certaine humeur qui fait enfler le lieu où doit estre la testicule avec douleur, & comme il se rencontra vn certain *Carabin de Saint Cosme*, qui me demanda si je sçauois ce que c'estoit qui causoit ce mal, luy ayant fait responce que c'estoit vne humeur acre prouenant de sang qui tombant sur la testicule la faisoit enfler, quaquetant en perroquet, il dit qu'il ne se pouuoit faire qu'une Testicule dissipée pût reuenir, sur quoy luy ayant reparty, que l'iritation du mal, ayant fait attraction de l'humeur acre sur la partie affligée, l'a faisoit reuenir, me dit que je ne trouuerois pas cela dans Hippocrate, & que bien esloigné de mon dire, cela prouenoit d'humeur froide.

Esculape, Tu luy deuois respondre qu'il n'estoit qu'un asne avec son babil, veu que l'humeur froide ne cause point de douleur ny in-

flammation: mais bien l'humour acre, bilieuse & sanguine; si la Testicule auoit esté coupée, elle ne pouroit pas reuenir: mais n'ayant pas esté coupée, cette grosseur comme vn petit pois estant la glande, & non vn Botifare, lequel est vn reste de la chair de la Testicule que l'on a laissé à la Castration & non la Testicule, cette grosseur n'estante donc point Botifare, mais la glande de la Testicule, laquelle quoy que tres-petite, ne laisse d'estre enfermée du Scrotum, séparée de l'autre par le Dartos qui l'envelope aussi, estante en outre enfermée de ses tuniques propres, qui sont l'Eluthroide & l'Albugineuse; quoy que sa substance molle & spongieuse se soit dissipée, faute d'estre abreuvée de l'humour des vaisseaux Referents, Ejaculatoires & Preparás, toutesfois cette humeur peut estre attirée à la Testicule par vne humeur estrange, & paroître aussi grosse qu'aupara-

uant; c'est pourquoy cét ignorant deuoit mieux t'écouter, que de vouloir t'apprendre.

De la Martiniere, Je vous prie de me dire pourquoy *l'Antagoniste*, de *l'Estroit* & ceux de sa cabale me diuulguent par tout où ils vont.

Esculape, C'est à cause que par tes escrits, tu enseigne à connoistre les maladies & les guerir, & fait voir leur ignorance, tescmoin cette jeune femme, laquelle il traitta en en verolée, pour vne descente de matrice qu'elle auoit, & cette autre qu'il a tant saignée qu'elle en est morte, pour vne suffocation de matrice, sur laquelle maladie, *Marinello* en son *Traitté des maladies des femmes*, dit qu'il ne faut pas les saigner ny des bras ny des pieds, lors qu'elles sont affligées des maladies de matrice, à cause que la matrice estant deja refroidie par les matieres corrompuës qui sont dedans elles, la saignée refroidissante enco-

re, & faisant attraction des venenofitez dans le sang, & estant la cause de l'augmentation de ces fumées, fait que celles qui en sont affligées ne pouuant resister à ces mauuaises vapeurs, ils en sont tousiours indisposées, ou troublées, ou elles en meurent.

Dela Martiniere. Que dite-vous de ce pretendu interprete de Raymond Lulle.

Esculape. Est-ce de celuy à qui tu a escrit, que tu t'étonnoit que sans te connoistre, il a eu la hardiesse en ton absence de te blamer sans sujet, sans juger que tu connoissoit sa capacité, suiuant le peu de chose que tu a veu de ses œuvres, d'un liure remply de missiues supposées, pour acquerir la gloire qui luy doit estre niée, attendu que toute sa science, la plus grande n'est qu'au pignon dinde, à la gome gu & à quelques secrets de bonne femme, qui par vn bon-heur & forte persuadation luy

a fait aquerir vn bien qu'il a fort mal acquis, ce qu'il fait, estant condamné par les sacrez Canons; quoy qu'il en fasse trophée, affirmant ses mensonges, cōme des verités, se vantant qu'il a vn secret qui guerit la plus infectée maladie en 12. iours, lequel secret s'appelle sa *Medecine vniuerselle*, dont il dit en estre le seul possesseur: mais que ce Prouerbe de Salomon, *Nihil sub Sole nouum, id quod est iam fuit, & præsens adhuc futurum est*, est assés capable de le cōuaincre, que quoy que ta theorie soit petite, que ta pratique est bonne, qu'il t'est beaucoup d'honneur d'estre meprisé des ignorans, craint par tes escrits, admiré des Sçauans, lesquels luy pourroient asseurer, que tu est capable de luy preter le colet, en prose, en vers, en François & autres langues, & que s'il en desiroit voir les effets, que tu le suppliois de te rendre réponse, & qu'il obligeroit celuy qui

se dit des Sçauans , des ignorans & de luy le tres humble seruiteur

De la Martiniere, Oüy, c'est de luy que s'entend parler.

Esculape, t'a-t-il fait reponse.

De la Martiniere, Non.

Esculape, il n'a eu garde , lors qu'il a sçeu que ce pauvre miserable à qui il a fait perdre le nez en quinze jours, pour vingt liures de remedes qu'il t'auoit veu & plusieurs autres qu'il a gasté, si ; si t'en auoit fait autant, je sçay qu'en ton ame, que tu croiroit estre le plus grand fourbe de la terre : mais nul ne te peut faire telle reproche, n'estant point charlatan, quoy que tu passe pour tel par ceux qui le sont, mais non pas entre les gens d'esprits, ains ignorans.

De la Martiniere, Vous auez raison ; car dernièrement estant en la compagnie d'un certain Italien, qui se dit tres-Sçauant, ayant quitté le nom *De la Martiniere*, & ayant pris un autre nom, demandant à cét

Italien, ce qu'il croyoit de ce De la Martiniere, sans se douter que c'estoit moy, il me déchiffra de la belle maniere, mais ensuite je me moquay de luy sans me faire connoître, le faisant passer pour ce qu'il estoit.

Esculape, a-tu veu Quarante onces,

De la Martiniere? ouy, vn soir après soupé, je fus sans me vouloir faire connoître chez luy, avec vn appelé le Cler, luy proposant vne maladie supposée; voyant qu'il ne me pouuoit rendre responce, je luy dis, que je m'estonnois comme le monde le venoit voir & se confier en luy, veu que je voyois qu'il n'auoit ny bouche ny esperons au raisonnement de la Medecine, & comme il estoit fâché de telle parolle, ce le Cler luy dit qu'il ne falloit pas qu'il se fachât & que j'estois le sieur De la Martiniere, qui venoit pour auoir l'honneur de le voir & de conférer avec luy, à ce nom De la Martiniere, roullant les yeux comme vn

Demoniacle que l'on veut exorcicer, dit que celuy estoit assez de sçauoir que c'estoit moy, & en s'enfuyant comme vn fol, me laissant là, je fus contraint de m'en aller sans pouuoir raisonner dauantage avec luy.

Esculape, Il eut raison de s'en fuyr & de te laisser l'à, veu qu'il sçauoit bien que tu estois capable de le faire enrager sur son ignorance & sa charlatannerie cachée sous le manteau d'un anneau.

De la Martiniere? Que dite vous de ce gros malaurtu, qui sans sçauoir ny lire ny escrire, discourir, ny charlatanner, fait tant de belles Cures abandonnées de ceux qui se disent les plus eclaircz en l'Art de Medecine.

Esculape, Le raisonnement ne guerissant pas? mais les veritables remedes, ainsi que tu le dis dans ton *aduis au Lecteur de ton Empiric Charitable*. Dieu fait voir en luy & en d'autres, qu'il distribuë ses tresors
à qui

à qui luy plaist , & que comme tu l'as dit dans ton *Auant-propos de ton Operateur Ingenu* , la Science vient plus du Ciel que des Hommes.

De la Martiniere , Vous avez raison ? mais changeons de propos ; Que signifie ce chapeau de diverses fleurs que vous portez sur vostre teste ?

Esculape , C'est pour faire voir les vertus qu'ont les simples en la cure de toutes maladies.

De la Martiniere ; Doux vient que vous portés vne si longue barbe ?

Esculape , C'est pour faire entendre que le Medecin doit estre bien experimenté.

De la Martiniere ; Doux vient que vous portés vn baston si remply de nœuds ?

Esculape , C'est pour faire voir que la Medecine estant l'appuy & la base de la vie humaine , qu'il est tres-dificile de la bien exercer.

De la Martiniere ; Que signifie ce Serpent qui entortille vostre baston

Esculape, C'est que le Serpent, estant le Hieroglif dela Prudence, ainsi que le dit ce Proverbe *Estote Prudentes sicut Serpentes*, à l'imitation des Serpens, le Medecin doit estre prudent comme eux en la cure des maladies pour soulager les malades, les despoüillans des mauuaises humeurs qui les rendent caducs & affligez, à l'imitation du Serpent qui se dépouille de sa vieille peau pour se rajeunir.

De la Martiniere? Que signifie ce Corbeau qui est posé sur vostre bâton?

Esculape, Cest qu'estant le Hieroglif des Songes & Augures, il demontre que le Medecin doit sçavoir les bons & mauuais Pronostics des maladies.

De la Martiniere? Que signifie ce Coq que vous tenez?

Esculape, C'est qu'estant le Hieroglif de la Vigilance, il demontre que le Medecin doit estre vigilant à guerir les malades.

De la Martiniere ? Que signifie ce Chien?

Esculape, C'est qu'estant le Hieroglyph de la Fidelité, il demontre que le Medecin doit estre fidel en la cure des maladies.

De la Martiniere ? Que signifie cette Chevre?

Esculape, C'est d'autant que son sang, son lait & sa fiente estans fort salutaires à diverses maladies, & que quoy qu'elle aye beaucoup de vertus en elle, estant toutesfois fort malade, elle demontre que les plus sains ne laissant d'estre sujet aux infirmités ainsi que les autres ont besoin quelquesfois du Medecin.

De la Martiniere ? Qui sont ces deux Enfans qui vous accompagnent.

Esculape, Ils sont à moy: dont l'un est Hygiène qui signifie Santé & l'autre Iaso qui signifie guarison.

Comme je pretendois parler encore à Esculape, tout disparoissant de deuant mes yeux, je vis en l'air

vn gros Serpent dont la teste estoit du costé d'Orient, & la queuë du costé d'Occident, & tant sur Mer que sur terre, je voyois quantités de personnes avec des Lunettes d'approches, des bastons de Iacob, des Liures plains de chiffres & de marques diuerses, d'autres qui tenoient des Compas, d'autres des Cercles de carte, qui compassoient les vns dans les autres, en faisant des grosses boules à jour, soustenuës sur des pieds de bois, faits comme ceux qui soustiennent ces Globes de Ver, l'vn disoit Ptolomée s'est trompé, lors qu'il a dit qu'il se feroit dans le mois passé vne Éclipse du Dragon, l'autre disoit Albert Teutonique, Albraxes de Basili-des, Azarcheles Maure, ne se sont pas trompez, ayans dit que ce seroit dans ce mois icy; comme aussi ces Doctes Rabis, Isac Basam, Abraham Zacut, Leui, Abraham Auenaeze, Moyse Memon, Iosué &

Benrodam, lesquels en ont aussi parlé; pourtant ce disoit vn autre dans le calcul de mes Ephemerides suivant Iule Cesar, Hipparque, Thimothée, Alphonse, Thebith, Albuaßen Maure, Merlin, Zoroaste, Baltafar, Manile, Tales de Milet, Arfatile, Auerroës Dejotarus, Haly, Anaximenes, Hoychilax, Eudoxus, Halicarnasse, Archelaux, Zaël, Messahalla, Albuma-far, Auerondan, Cassander, Ajomar, Alkindus, Alpetrague, Albategni qui ont esté les plus anciens & plus celebres Mathematiciens & Astro-gues, je ne trouue aucune mention de cette Esclipe de Dragon, vrayment, ce luy dit vn autre, vous n'au-uez garde de trouuer cela escrit dans aucuns de ces illustres hommes, n'en ayant point parlé, mais bien des Esclipes du Soleil & de la Lune, qui se firent dernièrement, desquel-les ont parlé diuersement Coperni-cus, Crates, Metrodore, Augustin

Rit, Paul Florantin, Pierre Turel, Nostradamus, l'Hermite solitaire, Maturin Questier & plusieurs autres : Parmy les débats de tous ces hommes qui faisoient grand bruit, il parut quatre Vieillards qui faisoient faire silence, dirent tout d'une commune voix, l'expérience Maîtresse des Sciences plus fort que tous vos discours vous doit faire connoistre que dorenavant la seule connoissance que vous devez avoir est en ce presage qui paroist à nostre veüe du Dragon, la Teste paroissant du costé d'Orient, est un signe que tous les Printemps seront variables & inconstans, mais éguayans nos esprits, & que les Estez seront fort chauds, principalement depuis les dix heures du matin jusques aux cinq du soir, la queue du Dragon paroissant du costé d'Occident, est un signe que les Automnes seront inconstans, dont les matinées seront fresches, & que les Hyers

seront froids , pluvieux & mélancholiques. Estant attentif à escouter ce que diroient encore ces Vieillards , mes yeux se dessilerent , & comme venant d'un profond sommeil , je fus bien surpris de me trouver le coude sur ma table , & ayant encore tous ces refues imprimés dans l'esprit, trouvant du papier, de l'ancre & des plumes , j'escriuis toutes ces choses , lesquels si quelqu'un y trouuent à redire , escriuant contre , je tient tout prest du papier, des plumes & de l'ancre pour leur rendre responce.

FIN.



Extrait du Priuilege du Roy.

PAR grace & Priuilege. Il est permis à Pierre Martin De la Martiniere Medecin Chimique & nostre Operateur, de faire imprimer, vendre, & distribuer plusieurs Traitez de Medecine, en vn ou plusieurs volumes & de quelcque caractere qu'il voudra, & ce pendant l'espace de sept ans, à commencer au iour qu'ils seront paracheuez d'imprimer; Estant fait deffences à tous Imprimeurs & Libraires & autres de faire imprimer, vendre ny extraire aucunes choses desdits Traitez sur peine de trois mil liures d'amandes, & confiscation des exemplaires, sans la permission dudit De la Martiniere, ainsi qu'il est plus amplement porté par ledit Priuilege, donné à Paris le 11. Nouembre 1664. le Roy estant en son Conseil. Signé **BARDON**, & sellé du grand Sceau de cire jaune.

l'ont peut faire la
medecine par la
dissolution ou prepa-
ration des humeurs
qui sont marquez par
les principes chimiques

— M. l'hydrogiste
grain ginebre de lier
et suvaux ana me

dans 3 demistie de vin ba-
piller 10 jour sur plantin verd
enterrer genre la journee

seger sur frenee et siche et aupe
de que et sang et siche et sang
quon.